

Dj. br.: 01-24/22  
Brčko, 11.02.2022.g.

## PROJEKTI ZADATAK ZA NABAVKU USLUGA

### PREDAVAČI IZ OBLASTI KORIŠTENJA DIGITALNIH ALATA U SAVREMENOM POSLOVANJU

#### Opšte informacije

Projekat pod nazivom „HelpDesk for business entities“ se sprovodi od strane Privredne komore Brčko distrikta BiH (u daljem tekstu: Naručilac), a finansiran je od strane EU i Vlade SR Njemačke. Cilj projekta je pomoć privrednim subjektima u premošćavanju posljedica pandemije COVID-19.

Segment koji je relevantan za potražnju ovog projektnog zadatka je angažman predavača iz oblasti korištenja digitalnih alata u savremenom poslovanju, koji će raditi na projektnim aktivnostima koji se tiču jačanja kapaciteta mikro, malih i srednjih preduzeća.

Preduzeća sa područja Brčko distrikta BiH u jako malom obimu primjenjuju savremena dostignuća iz oblasti korištenja digitalnih alata u savremenom poslovanju. Cilj je organizovati seriju treninga za privredne subjekte, kako bi se poboljšala znanja i vještine MMS preduzeća sa područja Brčko distrikta BiH u oblasti korištenja digitalnih alata u savremenom poslovanju i na taj način ojačali njihovi biznisi i povećala konkurentnost MMS preduzeća sa područja Brčko distrikta BiH.

Navedene projektne ativnosti će se realizovati u periodu od sredine marta do sredine juna 2022. godine, u skladu sa projektnom dinamikom i planiranim aktivnostima.

Osobe koje se planiraju angažovati su:

- Predavači iz oblasti korištenja digitalnih alata u savremenom poslovanju - dvije osobe (u daljem tekstu: Ugovarači).

Mjesto realizacije predavanja je Brčko distrikt BiH. U slučaju uvođenja mjera ograničenja u svrhu borbe protiv COVID-19 (ograničenja okupljanja osoba u zatvorenom prostoru, organizacije događaja ili bilo koje druge restrikcije, mjere karantima i slično), Naručilac i Ugovarači, će prilagoditi svoje ugovorne usluge u interesu realizacije projektnih aktivnosti, te se ostavlja mogućnost da ih realizuju i u online formi.

Ugovarači će primarno pružiti **usluge predavača iz oblasti korištenja digitalnih alata u savremenom poslovanju**, u skladu sa instrukcijama Naručioca.

Opis ključnih poslova i aktivnosti:

- Prema smjernicama Naručioca izvršiti 6 jednodnevnih treninga iz oblasti korištenja digitalnih alata u savremenom poslovanju. Treninzi su u trajanju od po 8 sati i Ugovarači ih isporučuju zajedno, prema dogovorenoj dinamici;
- Podoblasti koje će se obuhvatiti unutar navedenih treninga su sljedeće:
  - e-trgovina,
  - e-marketing,
  - društvene mreže u savremenom poslovanju,
  - web aplikacije u savremenom poslovanju,
  - moderne tehnologije u svakodnevnoj poslovnoj komunikaciji,
  - online kolaboracioni alati.
- Tematika predavanja mora biti primjenjiva za preduzeća koja djeluju na teritoriji Bosne i Hercegovine;
- Očekuje se učešće minimalno 15 predstavnika privrednih subjekata po treningu;
- Dinamika predavanja je u okviru perioda od sredine marta do sredine juna 2022. godine, u dogovoru između Naručioca i Ugovarača. Primarni plan je da se realizuje jedno predavanje sedmično;
- Prije početka predavanja, Ugovarači će dostaviti minimalno dva koncepta predavanja od kojih će Naručilac izabrati jedan;
- Podrazumijeva se da će Ugovarači raditi zajedno na implementaciji treninga;
- U slučaju pogoršanja epidemiološke situacije, Ugovarači će prilagoditi trening u online formatu;
- Nakon usaglašavanja svih tehničkih pojedinosti i same dinamike predavanja, Ugovarači će pripremiti sav materijal i dostaviti ga Naručiocu na izradu kako bi se dalje distribuirao polaznicima treninga;
- Naručilac preuzima obavezu obezbjeđenja prostora i tehničke pripreme za održavanje treninga koji će se organizovati u Brčkom;
- Naručilac preuzima obavezu oglašavanja treninga, sazivanja polaznika i koordinisanja aktivnosti.

Ugovarači koji budu izabrani prihvataju sljedeće odgovornosti:

- potpisivanje ugovora o isporuci navedenih usluga,
- redovno izvještavanje nakon svakog obavljenog treninga i zbirni izvještaj realizovanih aktivnosti, uključujući Time sheet za svakog Ugovarača,
- dostavljanje liste učesnika, evaluacijske liste i fotografije (u skladu sa GDPR),
- poštivanje multikulturalnog okruženja,
- profesionalna etičnost i moralnost.

Pravo učešća u projektnom zadatku imaju fizička lica koja ispunjavaju sljedeće uslove:

- VSS ili veći stepen školske spreme,
- minimalno 5 godina radnog iskustva,
- minimalno 2 godine iskustva u realizaciji obuka iz oblasti korištenja digitalnih alata u savremenom poslovanju,

- izvrsno poznavanje jezika naroda u BiH i engleskog jezika,
- odlično poznavanje rada u MS office paketu,
- iskustvo rada u sektoru turizma i/ili izvozno orjentisanim sektorima (obrada metala i obrada drveta) će biti prednost.

Zainteresovani za učešće u projektnom zadatku, trebaju dostaviti: Prijedlog koncepta treninga, Biografije oba predavača i Referentne liste projekata (realizovanih treninga, obuka ili sl.) sa isticanjem minimalno 5 relevantnih projekata koji su isti ili slični ovom projektnom zadatku, **najkasnije do 11.03.2022. godine do 12:00h.**

Uz navedenu dokumentaciju, dostavlja se i iznos ponude za usluge predavača iz oblasti korištenja digitalnih alata u savremenom poslovanju. Iznos ponude koji bude naveden uključuje i poreske obaveze koje snosi Naručilac posla, troškove eventualnih putovanja, smještaja, te sve ostale neophodne troškove za realizaciju aktivnosti. Za procjenu najpovoljnije ponude uzima se prvenstveno kriterijum najniže cijene.

Ovjerena i potpisana dokumentacija se dostavlja isključivo elektronskim putem na email adresu [pkomora.bd@gmail.com](mailto:pkomora.bd@gmail.com) sa naznakom "Ponuda za učešće na projektnom zadatku za predavača iz oblasti korištenja digitalnih alata u savremenom poslovanju".

#### Procjena obima posla

Opis	Broj dana
Realizacija treninga (2 predavača po treningu)	6
Izvještavanje	1
<b>UKUPNO</b>	<b>7</b>

#### Napomena:

U slučaju uvođenja mjera ograničenja u svrhu borbe protiv COVID-19 (ograničenja putovanja avionom ili generalno putovanja, bilo koje druge restrikcije, mjere karantima i slično), Privredna komora Naručilac i Ugovarači, će prilagoditi svoje ugovorne usluge u interesu realizacije projektnih aktivnosti.